

Ҳадис дарслари (151-дарс). Ҳадисга амал қиляпмизми?

The image shows the front cover of a book titled "Хадис даарслари". The title is written in large, stylized green letters at the top left. Below it, in smaller green letters, is the subtitle "ДАРСЛАРИ". In the center, there is a black rectangular box containing the number "151-ДАРС" in white. To the right of the title, there is a detailed black-and-white line drawing of a traditional Islamic architectural complex, featuring several domes and minarets. At the bottom left, there is a small green square logo with a white geometric pattern.

17:00 / 25.08.2021 3146

هـيلع هـلـلا هـلـصـيـبـنـلاـنـعـ، هـنـعـهـلـلاـ يـصـرـيـرـامـنـأـلـاـهـشـبـكـ يـبـأـنـعـ
هـمـلـطـأـلـوـهـقـدـصـنـمـدـبـعـهـلـأـمـصـقـنـأـمـ هـنـهـيـلـعـهـمـسـقـأـهـثـأـلـثـهـلـأـقـمـلـسـوـ
هـلـأـسـمـبـأـبـدـبـعـهـتـفـأـلـوـ، هـأـعـهـلـلـأـهـدـارـأـلـاـهـيـلـعـهـرـبـصـنـفـهـمـلـظـمـدـبـعـ
هـوـطـفـحـافـأـثـيـدـحـمـكـثـدـحـأـوـهـأـفـحـنـهـمـلـكـهـأـرـقـفـبـأـبـهـيـلـعـهـلـلـاـهـتـفـأـلـاـ
هـيـقـّـتـيـهـفـأـمـلـعـوـأـلـأـمـهـلـلـاـهـقـزـرـدـبـعـهـرـفـنـهـعـبـرـأـلـاـيـنـدـلـاـأـمـنـإـهـلـأـقـ
هـلـزـانـمـلـاـلـصـفـأـبـهـدـهـفـأـقـحـهـيـفـهـلـلـمـلـعـيـوـهـمـحـرـهـيـفـلـصـيـوـهـبـرـهـيـفـ
هـيـلـنـأـوـلـلـلـوـقـيـهـيـنـلـاـقـدـاـصـهـفـأـلـأـمـهـقـزـرـيـمـلـوـأـمـلـعـهـلـلـأـهـقـزـرـدـبـعـوـ
هـلـلـاـهـقـزـرـدـبـعـوـءـأـوـسـأـمـهـرـجـأـفـهـتـيـنـبـهـفـنـالـفـلـمـعـبـهـتـلـمـعـلـأـلـأـمـ
هـبـرـهـيـفـهـيـقـّـتـيـأـلـمـلـعـهـرـيـغـبـهـيـفـهـطـبـحـيـهـفـأـمـلـعـهـقـزـرـيـمـلـوـأـلـأـمـ
هـلـزـانـمـلـاـهـتـبـحـأـبـهـدـهـفـأـقـحـهـيـفـهـلـلـمـلـعـيـأـلـوـهـمـحـرـهـيـفـلـصـيـأـلـوـ
هـتـلـمـعـلـأـلـأـمـهـيـلـنـأـوـلـلـلـوـقـيـهـفـأـمـلـعـأـلـوـأـلـأـمـهـلـلـأـهـقـزـرـيـمـلـدـبـعـوـ
هـيـذـمـرـتـلـأـهـأـوـرـءـأـوـسـأـمـهـرـزـوـفـهـتـيـنـبـهـفـنـالـفـلـمـعـبـهـيـفـ

Абу Кабша ал-Анморий розияллоху анҳудан ривоят қилинади:

«Набий соллаллоҳу алайҳи васаллам: «Уч нарсага қасам ичаман: «Банданинг моли садақа ила нуқсонга учрамас. Банда бир зулмга учраса-ю, унга сабр қилса, албатта, Аллоҳ унинг иззатини зиёда қилур. Банда тиланчилик эшигини очса, албатта, Аллоҳ унга фақирлик эшигини очар (ёки шунга ўхшаш бир калима). Мен сизга бир ҳадис айтаман, ёдлаб олинглар: «Албатта, дунё тўрт нафарницидир:

Бир бандага Аллоҳ молини ҳам, илмини ҳам ризқ қилиб берган. У бу билан Роббисига тақво қилур. Силаи раҳм қилур. Ундаги Аллоҳнинг ҳаққини билур. Бу энг афзал даражадир.

Бир бандага Аллоҳ илмни ризқ қилиб берибди-ю, молни ризқ қилиб бермабди. У содик ниятли бўлиб, «Агар молим бўлганида, фалончининг амалини қилар эдим», дейди. У ниятига яраша олади. Икковларининг ажри баробардир.

Бир бандага Аллоҳ молни ризқ қилиб берибди, аммо илмни бермабди. У илмсиз равишда молини тӯғри келган томонга сочади. У билан Роббисига тақво қилмайди, силаи раҳм қилмайди. Ундаги Аллоҳнинг ҳаққини билмайди. Бу энг ёмон даражадир.

Бир бандага Аллоҳ молни ҳам, илмни ҳам ризқ қилиб бермабди. У эса «Агар молим бўлганида, фалончининг амалини қилар эдим», дейди. У ниятига яраша олади. Икковларининг гуноҳи баробардир», дедилар».

Термизий ривоят қилган.

Ислом дини тиланчиликни қанчалик қоралашига қарамасдан, мусулмонман, деб юрганлар ичидаги тиланчиларнинг кўплиги кишини ҳайратга солади. Тиланчилик қилаётганлар бу ишни ўзларига касб қилиб олганлар, десак, муболаға бўлмайди. Исломда ночор қолган, «Қути лаа ямут»и бўлмаган киши учун ўзини ўнглаб олгунича бир ёки икки марта тиланчилик қилишига изн берилган. Лекин ҳозирги кунимиздаги тиланчиларнинг кўпчилигининг аҳволи бу шартларга тӯғри келмайди. Улар ҳамма нарсалари бўла туриб ҳам, қорин тўйдириш учун эмас, бошқа нарсаларга эришмоқ ниятида тиланчилик қилаверадилар. Шунинг учун ҳам баракадан узоқлар, тиланчилик қилиб, қанча топсалар ҳам, бирлари икки бўлмайди. Қолаверса, улар Ислом ва мусулмонлар ҳақида бошқалар наздида ёмон тасаввур қолдирадилар.

Энди ҳадиси шарифнинг иккинчи қисмини воқелигимизга таққослаб кўрайлик. Ичимизда мол-дунё ва илмни бирданига тутганлар борми? Бўлса, қанча? Аксинча, мусулмонларда молу дунё билан илм бирга бўлиши мумкин эмас, деган бир тушунча бор. Илмли одам мол-мулк учун ҳаракат қилсаёқ, маломатга учрайди. Моли борлар эса илм ўрганишга уринмайди. Оқибатда илмлилар илмсиз бойларга қарам бўлиб қоладилар. Тирикчилик ўтказаман, деб, жоҳиллар ҳузурида илмини хор қиласди. Гап фақат диний

илем ҳақида кетаётгани йўқ. Илмнинг қайси соҳасига назар солмайлик, шу ҳолатни кўрамиз. Илм эгалари - мол-дунёсиз, мол-дунёси борлар эса илмсиз.

Исломда эса мол-дунё билан бирга, илмга эгалик қилган киши энг юқори даражадаги одам ҳисобланиб турибди. Шундай экан, кишиларимизнинг мол-мулкда, илмда Аллоҳга тақво қилиш савияси қай даражада? Силаи раҳм қилишда-чи? Бу нарсаларда Аллоҳнинг ҳаққини адо этиш қай даражада? Менимча, ҳадиси шарифда кўрсатилган даражада эмас.

Бугунги кунда дунёнинг ҳеч қаерида мусулмонларчалик мол-дунёни тўғри келган томонга сочадиганлар йўқлиги ҳаммага маълум. Ўйламасдан қилинадиган сарф-харажатлар, исроф ва риёкорликлар тўлиб-тошиб ётибди.

Ҳадисда зикри келган тўртинчи тоифа одамлари орамизда жуда ҳам кўплиги кишини чуқур қайғуга солади. Ислом олами ер юзидағи бойликларнинг кўп қисмини ўзида тутиб турганига қарамай, мусулмонлар ичидаги камбағаллик кенг тарқалган. Ўртача йиллик даромадни ҳисобга олганда кўплаб мусулмон мамлакатлар дунёда охирги ўринларда туради.

Баъзи бир бой ҳисобланган давлатларда ҳам илм йўқ. Ислом илм олишни ҳар бир мўмин ва мўминага фарз қилганига қарамай, Ислом олами саводсизлик бўйича дунёда энг аввалги ўринлардан бирида туради. Ислом оламига илм тарқатиш билан машҳур бўлган бир юртда қирқ фоиз одамнинг саводсизлигини айтсан, ҳурматли ўқувчи ишонмасмикан, деб қўрқаман. Илм ва уламоларнинг қадри йўқлиги туфайли илмли кишилар ҳам бошқа ўлкаларга ҳижрат қилиб кетишга мажбур бўлганлар.

Шу ва шунга ўхшаш бошқа сабабларга кўра, ҳозир «Ислом олами» деб номланган ўлкаларда камбағаллик ва жаҳолат ҳукм сурмоқда. Бунга асосан ўзини мусулмон санаб юрган мусулмонларнинг ўзлари айбдордирлар. Уларнинг Ислом дини таълимотларига, юқоридагидек ҳадиси шарифларга амал қилмаганликлари туфайли мана шундай аянчли ҳол юзага келган. Бу ҳолатдан чиқиш учун эса динимиз таълимотларини, хусусан, ушбу ўрганган ҳадисимизни ҳаётимизга холис ва тўғри татбиқ қилишимиз лозим.

«Ҳадис ва ҳаёт» китоби асосида тайёрланди